

Penuntut PJJ UMS

ketengahkan bakat teater

UM 13.8.2014 26

KOTA KINABALU 12 Ogos - Profesion sebagai guru tidak menjadi penghalang buat sekumpulan penuntut Pendidikan Jarak Jauh (PJJ) Universiti Malaysia Sabah (UMS) menyerlahkan bakat seni melalui persembahan teater.

Walaupun berlatarbela-kangkan pendidikan Jasmani, Matematik dan Bahasa Inggeris, namun penampilan serta penghayatan watak setiap daripada mereka di pentas teater berada dalam keadaan terbaik, termasuk mengetengahkan jalan cerita yang mantap.

Perkara itu diakui Pensyarah Penulisan Kreatif, Fakulti Kemanusiaan, Seni dan Warisan UMS, Suhaimi Mohd. Yassin yang melihat mereka berbakat dan boleh 'diangkat' ke peringkat global.

"Ini bermakna peningkatan tahap kemahiran guru-guru PJJ mampu melestarikan persembahan teater ini bukan hanya di peringkat universiti, malah

mereka juga boleh mengambil bahagian ke peringkat kebangsaan dan juga antarabangsa suatu masa nanti," katanya di sini baru-baru ini.

Kumpulan penuntut PJJ tersebut mengadakan persembahan di Teater Ahmad Nisfu UMS sebagai memenuhi syarat untuk lulus cemerlang dalam mata pelajaran penulisan kreatif untuk sesi pengajian semester ini.

Mengulas terhadap persembahan keseluruhan itu katanya, para penuntut memperlihatkan penguasaan ruang pentas yang mantap, persembahan terbaik, variasi dan kepelbagaian persembahan, mesej serta tema yang kuat, selain mempunyai vokal yang mantap.

"Setiap persembahan ini berhasil memberi kesan dalam diri penonton dari segi intipati makna, mesej, ideologi pemikiran, gagasan pemikiran selain persembahan terbaik," jelasnya.